

## Wien, Österreichische Nationalbibliothek (ÖNB), Cod. 4306

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

1675

## C O D I C E S

1676

VII. fol. 229. *Glossae in XII. Prophetas Minores.* Sine Autoris nomine. Scriptae, ut ad calcem dicitur: *Anno 1422.* Verum Scriptor ea, quae in *Osee C. II. a v. 14. usque ad v. 16. C. VII.* dicuntur, transcurrit, et animadverso errore postmodum a fol. 325. p. 2. usque ad finem Cod. subnexuit.

## CCCCXXIV.

538

*Codex chartaceus lat. Sec. partim XV. partim XIV. Folior. nunc 107. 4. commode scriptus, rubricisque distinctus haec complectitur: I. absque Titulo Tractatum de prioribus V. Sacramentis, qui incipit: Ad christi ibesu domini nostri laudem et honorem &c. ut Codd. CCCCXXIII. et DCCCII. cumque ad priorem notaverim, Autorem hujus et mox sequentis Tractatus eundem videri, hic quoque de Sacramentis Tractatus anonymus esse definit.*

II. fol. 30. sequitur *Tractatus*, ut e calce praecerto, contra errores diuersos et opiniones falsas pro nunc occurrentes et per ypocrism defensatos reportatus per Wenceslaum de Podyebrad sub Anno domini M<sup>o</sup> CCCCXX. *Omouyson miserere mei.* Articulos Picardis Bohemicis imputatos LXXXVI. obpugnandos sibi sumit Noster, ita exorsus: *Primus articulus. Quod non sunt tres persone scilicet pater filius et spiritus sanctus equales potentia scientia et maiestate in perfecta una eadem-*

que deitate. Quod autem iste Articulus sit hereticus patet ex fide scripture Gen. 1°. ubi dicit. In principio creavit deus celum et terram &c. Veritas hebraica habet In principio creavit beloym. i. dij celum et terram &c. Ab hoc itaque Exemplo. abest εισαγωγη, quam ad Cod. CCCCXXIII. indicavimus. In Articulum 35. de Praga exscindenda fol. 65. p. 2. ita commentatur: iniquitatem maximam esse matrem ciuitatum in israel. ciuitatem literarum (Jof. c. 15. v. 15.) matremque veritatis eicere. que buius modi pseudo sompniatores veritatem noscere docuit et in omni ingenio — fuit et educauit. In illam ergo hoc cogitare fuit in toto deficere. — Quod autem scribentes et docentes vocauerint eam Babilon salutem timore Christi recte mentiti sunt in caput ipsorum, cum sit ierusalem super quam invocatum est nomen fortissimi dei. Ita ut XL. principes et gentem de tot regnis collectam innumere multitudinis fidelibus lacrimis deuotisque orationibus superauerit. et viriliter stans et resistens usque in finem effugauerit et in alio bello miraculoso XVIII°. (anno?) Barones una cum multitudine hostium interfecit. Et fortissimum castrum wisegraden. debellauit. quod non eius. sed dei fortissima misericordia super ipsam invocata effectit. — Quod autem in ea oderunt domos et alta edificia. hoc est ab ipsorum perfidia, cum scripture sacra commendat Jozaphat &c. qui videlicet domos ad instar turrium urbesque

## Wien, Österreichische Nationalbibliothek (ÖNB), Cod. 4306

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

1677

## P O L E M I C I .

1678

besque muratas aedificasset. Ad ea, quae annis 1418. et 19. Pragae ab Hussitis mota et acta sunt, adludit Noster; ad hos enim illum pertinuisse, citatus ab eo Doctor evangelicus i. e. Wiclefus manifestum facit. Opus porro suum ita concludit: *Et in isto pono finem buic labori quem offero domino meo iesu christo velud sagum cilicinum taetum licet aspernum et visu rude ad preciosum suum thabernaculum. in quod pilos olenitis capre pauper obtuli, contra pluias et caumata errorum utcumque contegendum et deffendendum Amen.* Nihil de Eo Scriptores, qui quidem ad manum sunt, commemorant.

III. fol. 90. manu Sec. XIV. absque inscriptione Tractatus scholasticus de Praedestinatione et libero Arbitrio, cuius initium: *Quia plerosque sollicitat an predestinationis diuine similiter et reprobacionis aliqua causa in predestinato et reprobato constat ut puta meritum uel demeritum &c.* Dirigitur contra Pelagianos, quos ingratos vocat et gratie inimicos. Turbata sunt folia, Tractatumque hunc incurrit *Dialogus Magistri et Discipuli* de eadem materia, item *Sermo de Morte, Librarii ipsius*, ut videtur, vitio.

CCCCXXV.

<sup>568</sup> Codex chartaceus lat. Sec. XV. Folior. 216. 4. non una manu conscriptus sequentia continet Opuscula: I. ut in praevio notatur *Elencho*, tractata a M.

Johanne Przibram Quaestio: *An sacerdotes christi possunt sacras missas eo ritu, quo nunc per orbem geruntur, in vasis et vestibus, non ad usum communem, sed ad sacrificandum specialiter deputatis circumscripto ab eis omni peccato licite et meritorie celebrare.* Respondetur affirmando contra Picardos. Initium: *Cum firma fide credendum est, quod in nouissimis diebus instabant tempora omnibus temporibus antedecursis periculosa &c.* Jam indicata άνωνυμως Cod. CCCCXXIII et DCCCHI.

II. fol. 37. *Isti articuli sunt Picardorum et aliorum eos sequentium dampnati et reprobati per fidèles bohemorum (adjecit alia manus) Magistros presertim M. Jo Przybram.* Initium: *Ihesus christus dominus omnipotens qui est deus et scientiarum dominus &c.* Opusculi autor *Wencesl. de Podiebrad.* Adi Codd. CCCCXXIII. et praeced.

III. fol. 96. *Tractatus*, ut Rubrica calcis, de Antichristo editus per magistrum Jacobellum de Miza. Ejus initium: *Utrum sicut ex scriptura plene constat christum in plenitudine temporis personaliter advenisse, ita evidenter sit deducibile ex eadem antichristum in compleemento seculi propria venire in persona. &c.* Jam relatus alibi.

IV. fol. 112. *Sequitur de Antichristo Doctoris Sacre Theologie Stanislai (de Znoyma) Contra Magistrum Jacobellum.* Initium: *Cum oppositorum suo tempore possibilium &c.* Itidem relatus.

G g 3

V.